



法苑珠林卷第七十五

唐上都西明寺沙門釋道世玄暉撰

咒術篇第六十八之二

滅罪部

東方最勝燈王如來經云東方去此百千億佛刹過
已有一佛刹名無邊華世界彼世界中有一佛名最
勝燈王如來現在逍遙說法遣二菩薩來此娑婆世
界一名大光菩薩二名甘露光菩薩佛言汝等二菩
薩往向娑婆世界彼有一佛名釋迦牟尼將此陁羅
尼章句說爲諸衆生故安樂故功德故增益故名聞

故生力故隨所意行故所受樂故不擾亂故不殺衆
生故爲擁護故而說咒曰

多經他優波慳泥 覩慳泥 羅叉菟瞿波多 曳

波囉闍婆唵闍婆唵闍婆唵摩訶闍婆唵 闍婆楞

伽帝 闍婆唵闍婆梨尼 摩訶闍婆梨尼闍婆囉

木佞娑利 摩娑利 阿迦唵摩迦唵阿佞音溪摩佞

那佞娑婆唵摩訶娑婆唵三婆離郁句 目句 三

摩帝摩訶三摩帝帝三摩帝 摩訶三摩帝 摩訶

闍婆唵娑曳娑羅彌 目句奢彌 摩訶奢彌 三

摩第 摩訶三摩第 三目避 毗目避 阿囉細

摩訶阿羅細 摩那細摩那細 摩那細啼界底

莎婆呵

爾時彼二菩薩受持此陀羅尼已譬如壯士屈申臂

頃至釋迦牟尼佛所恭敬禮已具申來意作是言或

被諸鬼神惱害或被諸禰毒害或蠱道病或有死屍

病或有熱病自餘種種擾亂鬼病而最勝燈王如來

遣我等將此陀羅尼咒來爲諸衆生作利益故而說

前咒爾時佛告阿難言汝持此咒爲他解說宣通流

布佛出世難值此咒復甚難聞若有人能受持此陀

羅尼者火不能燒刀杖不傷諸毒不害縣官不殺梵

天不恚彼人七世恒知宿命此咒過去七十七億諸
 佛所說若有人毀謗此咒者即是毀謗彼等諸佛若
 有鬼神不敬重此咒者或與我奪某甲威力者或已
 咒奪不還者彼鬼神頭破作七分爾時釋迦牟尼佛
 告諸比丘我今亦說陀羅尼章句為利益眾生成故增
 長功德故增長威德故增長色故增長名聞故增長
 力故隨意受樂故隨行受安樂故不擾亂故不殺害
 故守護故而說咒曰

多上聲姪他阿知上聲跋知那上聲知俱上聲那知迦

上聲那知吒羅跋泥侈羅跋泥覩多羅上聲曳阿羅

婆枳吒上聲枳吒荼枳羅婁迷呼盧迷娑上聲隸摩

訶娑隸耆迷摩訶耆迷梨隸婁梨隸唵隸脂隸

唵虛爾切隸寐隸伊隸尸隸尸利尸羅跋知

阿上聲滯婆上聲滯那滯俱那滯頗那跋帝波上聲那跋帝

上聲阿迦細摩迦細迦娑迦細頗細娑頗細細摩

訶頗娑頗細伊上聲泥寐泥多侈多侈波多侈多婆多

侈莎婆訶

爾時佛告阿難汝持此咒為他解說宣通流布佛告

阿難聞此陀羅尼復倍甚難若有人能受此咒復倍

為難若有人能受持讀誦能為他人宣通解說彼人

能知未來二十一世之事此陀羅尼過去九十九億諸佛所說若有人毀謗不信行者彼人則為毀謗過去諸佛若有人受持此咒結戒守護作法尚能令彼枯樹生枝柯華葉果何況有識衆生受持此咒而不差者無是處耶歸命一切諸佛願我成就此咒莎婆呵

爾時世尊復說咒曰

多^{上聲}啞他阿嘖^{悼階切}婆嘖 吒稽 吒囉稽吒噓末

底 覩噓末底 兜隸覩羅兜隸婆隸娑隸覩隸

度隸 度度隸蘇隸婆晒晒婆晒利 唎利畢利

底利 莎婆呵

爾時世尊告阿難言若有人受持此咒為他宣通彼人得知二十八世之事此陀羅尼過去恒河沙諸佛所說若有人毀謗此咒則是毀謗彼等諸佛則為捨彼諸佛一切諸天龍鬼神縣官劫賊諸毒蟲等皆不能害一切諸惡疾病亦不能害惟除宿殃所造業報

畧述功德廣說在經

大方等經七佛說滅罪咒

離婆離婆帝 仇呵仇呵帝 陀囉離帝尼呵羅帝

毗摩離帝 莎呵

右此二咒諸佛共說功能利益滅罪除障備在經文不可具述

新翻大般若經第五百七十一第六分云爾時最勝天王復白佛言諸菩薩摩訶薩行深般若波羅蜜多修何等行護持正法佛告最勝天王當知若菩薩摩訶薩行深般若波羅蜜多行不違言尊重師長隨順正法調柔志性純質諸根寂靜遠離一切惡不善行修習善根名護正法天王當知若諸菩薩摩訶薩行深般若波羅蜜多修身語意三業慈悲不拘利譽持戒清淨遠離諸見名護正法天王當知若菩薩摩訶薩行深般若波羅蜜多心不隨愛恚怖癡行名護正行修習慚愧名護正法說法修行皆如所聞名護正法天王當知三世諸佛為護正法說陀羅尼擁護天王及人王等令護正法久住世間與諸有情作大饒益陀羅尼曰

但姪他 阿虎洛 尼洛罰底 丁履切 虎刺拏莎 土去聲

呼下 窶荼 者遮折 文執切 尼阿奔 去聲 若刹多 刹

多 刹延多 刹也 莎訶 陼末尼 羯洛鄔嚕鄔

魯罰底迦 邏跋底迦 阿鞞奢底尼 莎刺尼

杜闍 杜闍末底 阿罰始尼 罰尸罰多 罰多奴

娑理尼部多 奴悉沒栗底 提罰多奴 悉沒

栗底 莎訶

天王當知此大神咒能令一切人非人等皆得安樂
此大神咒三世諸佛為護正法及護一切人非人等
令得安樂以方便力而當說之是故天王及人王等
為護正法久住世故自身眷屬得安樂故國土有情
無災難故各應精勤至誠誦念如是則令怨敵災難
魔事法障皆悉消滅由斯正法久住世間與諸有情
作大饒益云云五百七十八第一般若理趣分云云
爾時如來即說神咒

納慕薄伽筏帝 鉢刺壤波羅預多曳 薄底丁履切下

同筏揆七鬼切 羅曳 菴跋履弭多窶拏曳 薩縛咀

他揭多跋履布視多曳 薩縛咀他揭多奴壤多壤

多邲壤多曳 但姪他 鉢刺吟一第切 鉢刺吟八

莫訶鉢刺吟 九 鉢刺壤娑娑羯囉 十 鉢刺壤路迦羯

囉 十一 案馱迦囉毗談末泥 十二 悉遞 十三 蘇悉遞 十四 悉殿

都漫薄伽筏底 十五 薩防伽孫達囉 十六 薄底筏揆囉 十七

鉢刺娑履多喝悉帝 十八 叁磨濕縛娑羯囉 十九 勃唵勃

唵 二十 悉唵悉唵 二十一 劍波劍波 二十二 浙羅浙羅 二十三

曷邏縛曷邏縛 二十四 阿揭車 二十五 薄伽筏底 二十六 麼

毗濫婆二十莎訶

如是神咒三世諸佛皆共宣說同所護念能受持者一切障滅隨心所欲無不成辦疾證無上正等菩提爾時如來復說神咒

納慕薄伽筏帝一鉢刺壤波羅弭多曳二但姪他三

牟尼達謎四僧揭洛訶達謎五遏奴揭洛訶達謎六

毗目底達謎七薩馱奴揭洛訶達謎八吠室洛末拏

達謎九參漫多奴跋履筏刺但那達謎十窶拏僧揭

洛訶達謎十一薩縛迦羅跋履波刺那達謎十二莎訶十三

如是神咒是諸佛母能誦持者一切罪滅常見諸佛

得宿住智疾證無上正等菩提爾時如來復說神咒

納慕薄伽筏帝一鉢刺壤波羅弭多曳二但姪他三

室嚨曳四室嚨曳五室嚨曳六室嚨拽細七莎訶

如是神咒具大威力能受持者業障消除所聞正法

總持不忘疾得無上正等菩提此下三咒西京興善

寺大唐翻經僧玄摸法師於波頗三藏及餘大德婆

羅門所口決正得諸經先無正本舊依婆羅門所翻

得為文譌略不依正梵故更譯之雖有增減不勞致

惑

第一大般若咒云

南無薄伽婆帝 摩訶鉢囉慎若波羅蜜多 袞頽鉢

唎蜜多 瞿那袞薩婆 怛他伽多 鉢唎脯唎多 袞薩婆

怛他伽多 慎若多 毗慎若多 袞但姪他地夜切 鉢囉慎

咭而制切 摩訶鉢囉慎若婆塞 錫唵 鉢囉慎若盧迦

錫唵頽鉢囉慎若南毗 陀沫泥 悉提蘇悉提 悉

佃都曼薄伽婆底 薩囉駛烏剛切 伽孫達唵 薄底

薄際唵鉢囉娑唎多 曷薩帝 三摩涅囉 薩那羯

唵 怛姪他掌姪掌姪 悉姪悉姪 劍波劍波折

羅折羅囉婆囉娑阿揭車阿揭車薄伽婆底 磨毗藍

嚩 薩嚩訶

此咒功德諸經具說受法別傳咒句二十七字六十

二今譯得一百七十一字字有加減不須驚怪西方

大德具正斯文受持此咒者須造一軀般若母像當

取無子褚木作像端坐種種莊嚴展右手用齋日造

像匠須持八戒齋法 綵色中不得用膠只得用胡桃

油薰陸香及乳汁等欲持此咒者香泥塗地須新瓦

瓶八口須時華散著道場所并插著瓶瓶中著八種

漿石榴蒲萄乳汁酪蜜石蜜酒甘蔗等漿并作種種

素食分作八分燒種種名香供養形像并然八支酥

燈其誦咒人著淨潔衣持戒七日以前日夕燒香禮

拜誦咒滿一萬徧過七日後一日斷食於此日夜誦
咒滿八千徧下前飲食行此法時於夢中見般若母
像隨願皆得成就

第二滅罪招福咒

娜謨曷囉上聲跢娜下同怛囉耶余夜切夜戈可切娜麼下同

莫我切腎穰如何切娜娑伽上聲囉裴噓者娜三怛他揭多

夜四娜麼阿唎耶跋盧枳羝五鑠後囉夜六菩提徒切

薩跢婆夜七莫訶薩跢婆夜八莫訶迦嚕妳奴綺切

迦夜九那麼薩囉幡符可反怛他揭羝驪比朝切曷囉囉

喝馱上聲敝比可反三藐三菩上聲提驪同上跢姪他三

烏鉢四馱上聲囉馱囉五提徒余切唎提唎六杜嚕杜嚕

伊嚩嚩囉八者黎者黎九鉢囉上聲者黎鉢囉者黎

矩蘇迷一矩蘇上聲麼跋嚩二伊上聲離上聲弭離

上聲只離上聲只知上聲闍羅上聲麼跋捺夜五鉢

囉末輸馱上聲薩跢幡六莫訶迦嚕妳迦七莎婆

訶八

若善男子善女人能有讀誦此咒晝夜精勤勿令忘
失於晨朝時先淨澡浴若不澡浴當淨嗽口澡洗手
面善持此咒現身即得十種果報一者身當無病二
者恒為十方諸佛憶念三者一切財物衣服飲食自

然充足恒無乏少四者破一切怨敵五者能使一切有情皆生慈心六者一切蠱毒熱病不能侵害七者一切刀杖不能為害八者一切水難不能為溺九者一切火難不能燒害十者不受一切橫死復得四種果報一者臨命終時得見十方無量諸佛二者永不墮地獄三者不為一切禽獸所啗四者命終之後生無量壽國若有在家出家犯四重五逆必能依法潔淨身心讀誦此咒一遍乃至多遍一切根本重罪悉得除滅除不至心

第三禮佛滅罪咒亦名佛母咒

娜謨達奢

書何切

那鉢

一

菩薩俱致那鉢

二

烏鉢

三

戶

嚕戶嚕

四

悉馱噓者你

五

娑

上聲

囉

上聲

娑

下同

囉他

六

娑

達你

七

娑

上聲

訶

八

此咒十俱致諸佛所說

一俱致百億也

我今亦為憐愍一切

衆生持此咒者能令一切瞋惡衆生悉皆歡喜若能日日三時誦咒禮拜者勝禮千萬俱致諸佛功德命終之後得生西方無量壽佛國前翻本云臨命終時得諸佛來迎未來賢劫千佛一一皆得親承供養但有人能常誦此咒者實是不可思議

禱咒部

佛說護諸童子施羅尼咒經

已下並出施羅尼禡集經錄

後魏三

藏菩提流支譯

爾時如來初成正覺有一大梵天王來詣佛所敬禮佛足而作是言

南無佛陀耶

南無達磨耶

南無僧伽耶

我禮佛世尊

獎世大法王

在於閻浮提

最初說神咒

甘露淨勝法

及禮無著僧

已禮牟尼足

即時說偈言

世尊諸如來

聲聞及辟支

諸仙護世王

大力龍天神

如是等諸眾

皆於人中生

有夜叉羅刹

嘗喜啗人胎

非人王境界

強士所不制

能令人無子

傷害於胞胎

男女交會時

使其意迷亂

懷妊不成就

或歌羅安浮

無子以傷胎

及生時奪命

皆是諸惡鬼

為其作嫉害

我今說彼名

願佛聽我說

第一名彌酬迦第二名彌伽王第三名騫陀第四名

阿波悉魔羅第五名牟致迦第六名摩致迦第七名

闍彌迦第八名迦彌尼第九名梨婆坻第十名富多

那第十一名曼多難提第十二名舍究尼第十三名

捷吒波尼第十四名目佉曼荼第十五名藍婆此十

五鬼神常遊行世間爲嬰孩小兒而作於恐怖我今當說此諸鬼神恐怖形相以此形相令諸小兒皆生驚畏彌酬迦者其形如牛彌伽王者其形如師子騫陀者其形如鳩摩羅天阿波悉魔羅者其形如野狐牟致迦者其形如獼猴摩致迦者其形如羅刹女闍彌迦者其形如馬迦彌尼者其形如婦女梨婆坻者其形如狗富多那者其形如豬曼多難提者其形如貓兒舍究尼者其形如烏捷吒波尼者其形如雞目佉曼荼者其形如薰狐藍婆者其形如蛇此十五鬼神著諸小兒令其驚怖我今當復說諸小兒怖畏之

相彌酬迦鬼著者令小兒眼睛迴轉彌迦王鬼著者令小兒數數歐吐騫陀鬼著者令小兒其兩肩動阿婆悉魔羅鬼著者令小兒口中沫出牟致迦鬼著者令小兒把拳不展摩致迦鬼著者令小兒自齧其舌闍彌迦鬼著者令小兒喜啼喜笑迦彌尼鬼著者令小兒樂著女人梨婆坻鬼著者令小兒現種種襍相富多那鬼著者令小兒眠中驚怖啼哭曼多難提鬼著者令小兒夜間喜啼喜笑舍究尼鬼著者令小兒不肯飲乳捷吒波尼鬼著者令小兒咽喉聲塞目佉曼荼鬼著者令小兒時氣熱病下痢藍婆鬼著者令

小兒數噫數噓此十五鬼神以如是等形怖諸小兒
及其小兒驚怖之相我皆已說復有大鬼神王名梅
檀乾闥婆於諸鬼神最爲上首當以五色線誦此陀
羅尼一徧一結作一百八結并書其神鬼名字使人
齎此書線語彼使言汝今疾去行速如風到於四方
隨彼十五鬼神所住之處與梅檀乾闥婆大鬼神王
令以五綵縛彼鬼神兼以種種美味飲食香華燈明
及以乳粥供養神王爾時大梵天王復白佛言世尊
若有女人不生男女或在胎中失壞墮落或生已奪
命此諸女等欲求子息保命長壽者常當繫念修行
善法於月八日十五日受持八戒清淨洗浴著新淨
衣禮十方佛至於中夜以少芥子置已頂上誦我所
說陀羅尼咒者令此女人卽得如願所生童子安隱
無患盡其形壽命不中夭若有鬼神不順我咒者我
當令其頭破爲七分如阿黎樹枝卽說護諸童子陀
羅尼咒曰

唵啞吽 阿伽囉 伽泥那伽伽泥娑樓唵祇唵

伽婆唵鉢唵 不唵羅收禰脩羅俱遮羅俱 婆陁

尼 波羅阿曷利沙尼那易彌那易 蘇婆呵

世尊我今說此陀羅尼咒護諸童子令得安隱護其

長壽故爾時世尊一切種智即說咒曰

唵啞吽 菩施菩施菩施 菟摩帝 菩提菩提

摩隸 式叉夜 娑舍利 娑達禰娑羅地 頭隸

頭頭隸波臍多頭隸舍摩臍收鞞收隸 波臍帝

收藍舍彌帝槃他槃絺 波呵臍 祇摩臍 施波

臍蘇婆呵臍婆囉臍 蘇婆呵

此十五鬼神常食血肉以此施羅尼咒力故悉皆遠

離不生惡心令諸童子離諸恐怖安隱無患處胎初

生無諸患難誦此咒者或於城邑聚落隨其住處亦

能令彼嬰孩小兒長得安隱終保年壽南無佛施成

就此咒護諸童子不為諸惡鬼神之所燒害一切諸

難一切恐怖悉皆遠離蘇婆呵時此梵天聞說此咒

歡喜奉行

施羅尼集經佛說止女人患血至困施羅尼咒

那摸薩利婆 伏施俛 鼻悉侈 唵拏哆地夜他

至利嚩 哇路嚩 禰儼跋禰儼莎婆呵帝使任兜

路地嚩婆帝鋟禰帝鋟絕儼沙咩鋟娑禰婆帝鋟

薩利婆伏施俛坻祇那帝使任兜路地濫 磨娑羅

婆兜末伽羅兜摩婆呵兜 莎婆呵

若行此法須用緋線為繩咒七徧作七結繫腰血即

止治宣下血

佛說婦人產難陀羅尼咒

目多修利夜赦尸伽羅悉侈囉侯 失旃陀羅波羅
目至也兜目多薩婆婆婆佛圖那梨伽羅 波羅目
遮也兜 多啞他 阿吒毗莎呵 婆吒 莎呵
阿吒婆 婆吒毗莎呵 慕遮 因地利夜 伽多
妳 毗舍厲夜婆婆兜舍利夜 移遮舍 阿餘摩
夜 伊咩遮摩 怒妙 舍盧夜 薩鞞舍盧波羅
自遮兜 莎呵

行此咒法者咒油七徧塗產門所見卽易出佛說除
災患諸邪惱毒咒

唵呬摩夜 輸盧多咩 迦悉底 三摩夜婆伽呬

舍羅婆悉鋏 鼻呵囉 坻悉摩 抵多婆禰

阿那他比荼達拖囉咩多多羅婆伽呬 吽闍唎曼

多羅耶坻悉摩 汗其履奚拏多婆摩難大伊嘑沙

荼叉梨鋏吽淡陀羅夜 婆遮夜 伽羅呵夜鉢利

夜不那 鉢梨於遮吽悉侈梨拏三婆羅迦舍耶

多地夜他睽鞞儺啖 鞞儺吒吒支吒支 莎婆

呵

行此法用者須黑羊毛繩咒七徧繫左臂若無羊毛

用皂線亦得若患熱病三四日呪黑線繫左臂若患
頭痛誦咒七徧以手摩之若患耳聾咒木七徧塞之
若牙痛咒楊枝七徧嚼之若患腹痛咒鹽湯七徧服
之若患產難咒黑線七徧繫其咽兒即易出若患宿
食不消以手咒摩即便吐下若患餘災難即能護身
不畏水火刀兵毒獸一切諸惡悉不能害除不用心
不慎口味穢惡不淨者即無神驗

佛說多聞強記陀羅尼咒

浮多弗嚩 摩難肇 頰帝又噓那摩 叱狀達邏囉

闍婆浮嚩 娑伊曼 叱狀波羅頭 使迦梨使多

地夜他悉地 那薩坻頰三坻 迦致鼻迦致

不祚掣 夜囉坻阿伽坻 三摩奚坻 悉地三摩

比坻

佛告阿難若行此法汝取婆囉彌支多翅白訶畢鉢

梨三物合清晨咒滿一千徧以酥蜜和服即得一聞

受持

觀世音菩薩行道求願陀羅尼咒

南無羅多那哆羅耶耶 南無阿利耶 婆盧吉泐

奢婆羅耶 菩提薩埵耶摩訶菩提薩埵耶 摩

訶薩埵耶 摩訶迦留 尼迦多啞他 烏蘇咩沙

施耶蘇彌婆 帝婆施耶 守吉利娑施耶 守鞞
娑施耶伊斯 彌斯 悉纏呢波羅耶啤悉婆呵
行此之法於觀世音像前以香泥塗地香華供養日
夜六時誦之於一時中誦滿百二十徧隨其所求觀
世音菩薩以其行人應現其身令其得見所求皆得
如願本心

乞雨施羅尼咒

大雲經云爾時世尊神通力故起四黑雲甘雨俱徧
興三種雲謂下中上發甘雨聲如天伎樂一切眾生
之所樂聞爾時世尊卽說咒曰

羯帝波利羯帝僧羯帝波羅僧羯帝波羅界羅延帝
三波羅界羅延坻娑羅娑羅波娑羅波娑羅摩閼闍
摩閼闍遮羅坻波遮羅坻波遮羅坻波遮羅坻三波
羅遮羅坻比提嘻梨嘻梨薩唵唵薩唵唵富噓羅噓
莎呵

若有諸龍聞是咒已不降甘雨者頭破作七分
止牙齒痛施羅尼咒

南無佛南無法南無比丘僧南無舍利弗兜樓摩訶
目連比丘南無賢者覺意名聞徧十方北方捷施摩
訶衍山彼有蟲王名羞休無得在其牙齒彼當遣使

者莫敢食其牙齒及在牙根牙中牙邊蟲若不速下
器中頭破作七分如鳩羅勒繕梵天勸助是咒南無
佛令我所咒卽從如願若行此法以淨水含咒一徧
便吐器中卽止

咒穀子種之令無蚊蝗災起陀羅尼

多擲吽 婆羅跋題 那地婆提

若欲種時取種子一升咒二十一徧以穀著大種種
子中種之終不被蟲食無有災蝗

咒田土陀羅尼

南無佛陀地 南無達摩地 南無僧伽地 南無

彌留竭脾菩提薩埵怛提吽 耽婆佛者比律咤佛

耆 具其梨 比律咤 佛耆 彌樓闍婆 竭噯

波佛耆呼夢阿泥婆佛耆摩羅 阿拔多佛 尼夢

浮佛耆

若恐田苗不好者以此陀羅尼咒土一斛滿二十一
徧以土散穀上并令諸惡鬼不得吸此穀精稼食此
穀者頭破作七分能除一切災蝗諸惡不起

咒地蝎毒陀羅尼

南無勒那奄婆羅等拏多擲吽 休婁浮泥婁浮
呵梨呵梨莎呵 南無居力拏移奄勒那 多擲吽

目縷利頻縷利浮 莎呵

以此陀羅尼咒之三十七咒一七徧與水一口咒三徧與水三口即愈

療百病諸毒陀羅尼咒

南無觀世音菩薩坦提吽 阿羅尼多羅尼薩吽豆

咤吽羅尼薩吽建咤 般宕彌耶吽吽陀梨 南沒遮

彌悉但兜 曼吽波陀 莎呵

行此法者當用白縷誦一徧結一結誦七徧結七結若有病苦者繫著咽下百病諸毒悉得除愈

觀世音菩薩說滅罪得願陀羅尼咒

南無勒囊利地地 南無阿利地 婆路吉坻 舍

伏羅地 菩提薩埵地 摩訶薩埵地 多擲哆

兜流 兜流 阿思 摩思摩 利尼 波摩利

豆豆脾 那慕那慕 莎呵

若行此法於觀世音菩薩像前燒好沉水香至心懺悔於六時中禮誦行道時時中各誦三徧能滅無始已來一切罪業獲大功德不可思議欲求所願如願必得

觀世音菩薩說除卒得腹痛陀羅尼咒

南無勒囊利地地 南無阿利地 婆路吉坻舍伏

羅蚘 菩提薩埵蚘 摩訶薩埵蚘 多擲哆 究
之究之 羅之羅之 阿那三婆陀尼移 莎呵
若人卒得腹痛病困宜急咒鹽水三徧令腹痛者飲
之其痛卽差

觀世音菩薩說除中毒乃至已死墮羅尼咒

南無勒囊利蚘蚘 南無阿利蚘 婆路吉坻舍伏

羅蚘 菩提薩埵蚘 摩訶薩埵蚘 多擲哆莎梨

莎梨 毗莎梨毗莎梨 薩婆毗沙 那舍尼 莎

呵

若人被諸禰毒中毒欲死若已死者急以此咒咒於
耳中卽差縱暴死還蘇

觀世音菩薩說除種種癩病乃至傷破墮羅尼咒

南無勒囊利蚘蚘 南無阿梨蚘 婆路吉坻 舍

伏羅蚘 菩提薩埵蚘 摩訶薩埵蚘 多擲哆

脩目佺 毗目佺 休流休流 脩目流 比脩目

流 輸那潭 毗輸那潭 摩思多婆兜摩首羅兜

摩當坻 婆波坻 多婆首 沙兜 莎呵

若人癩病若白癩若赤癩至誠懺悔行道常誦卽差

若狂嚙齒若身瘡病若被刀箭傷瘡破壞以此神咒

咒土塗上卽差

觀世音菩薩說咒五種色菖蒲服得聞持不忘隨羅尼

南無勒囊利地地 南無阿利地 婆路吉坻 舍

伏羅地 菩提薩埵地 摩訶薩埵地 多擲哆

虔脚 富那離 波羅婆離 莎呵

於觀世音菩薩像前燒上沉水香至誠咒白菖蒲根

滿八百徧服之得聞持不忘自外黑赤青黃四種菖

蒲亦有別咒文煩不述

療腋晁鬼咒

若多奴知 一 睽睽睽多奴知 二 浮流流流多奴

知 三 摩賴帝多奴知 四 阿那那那多奴知 五 莎呵 六

若行此法用石灰三升苦酒三斗槃上和咒三七徧

團之更互易替男安左腋下女安右腋下即差

療瘡病鬼咒

須蜜多 一 阿膩吒 二 迦知膩吒 三 嗚呼那須蜜多 四

支波呼睽須蜜多 五 伊知膩吒吒須蜜多 六 莎呵

若行此法須五色縷線咒作七結若痛從頭下先繫

項繫脚繫手令大急之咒水三徧啖之即差

療不得下食鬼咒

胡摩兜 一 烏奢睽睽胡摩兜 二 阿菟羯界胡摩兜 三

破波羅胡摩咒四莎呵五

須咒水七徧與病人飲之無過三五度即差

佛說神水咒療一切病經

南無佛南無法南無比丘僧南無過去七佛 南無

諸佛 南無諸佛弟子 南無諸賢聖師 南無諸

賢聖弟子兼誦七佛各字 第一唯衛佛 第二唯式佛

第三隨葉佛 第四拘留秦佛 第五拘那含牟尼

佛 第六迦葉佛 第七釋迦牟尼佛

此是佛說神咒隨咒井池河泉咒之三徧飲者百病皆除

觀世音菩薩說隨願陀羅尼咒

南無觀世音菩薩 坦提吡呿羅婆多呿羅婆多

伽呵婆多 伽婆多 伽吡多 莎呵

行此法者應須潔淨三業在於靜處佛堂塔院專精禮拜遶塔誦是陀羅尼滿一萬二千徧當見觀世音菩薩一切所願隨意皆得也

佛說咒泥塗兵陀羅尼

多擲哆 伊利富利持利富倫提 阿味呼摩味呼

婆味呼 比至味呼 比思坻呼 摩叱提呼

烏思羅 婆味呼 莎呵

若有人欲入賊中咒泥三徧以塗其身若塗幢麾旛
鼓角伎樂必能得勝若為毒蟲所嚙若有被毒若身
有腫處以咒泥塗之用青黛規院其上即差頌曰
沉痾誠已久 痼病實難痊 四魔恒相媿
六賊競來牽 困厄無人救 惟忻大慈憐
遙愍愚心網 振錫遠乘煙 授茲甘露藥
邪見莫能先 消災除業累 拔濟苦相煎
恩流振玄教 普利該大千 自非神咒力
何能益延年

法苑珠林卷第七十五

校譌

第二紙二十行悛 第十九紙三行尼下南藏有

音釋

慳初責切 菟奴侯切 蠱公戶切 罽烏答切 邨必

勃音切 謎其詣切 齎在詣切 澡子皓切 嗽蘇奏切 垣禮

齧五結切 噫烏懈切 噓於月切 臍力盍切 俛女咸

儺呂支切 鑣渠驗切 吼凡音切 吡芳止切 閏初切 嘑莫

睽失冉切 啖徒感切 嚼在爵切 捍補買切 泚丈脂切 嗶斤

繕時戰切 螭踰陞切 咤陟嫁切 噉音虎 潭奴丁切 癩

落蓋切 惡疾也 腋羊切 梲尺救切 瘡魚灼切 喙蘇困切 呿丘

法苑珠林卷第七十五

切呼

甫鳩切

磨

呼為

腫

張之隴切

痼

古護切

久固之疾也

也

貴州提學副使包樞芳施貲刻此
法苑珠林第七十五卷
吳江比丘明覺對
州王國英書
溧水芮一鶚刻
萬曆辛卯秋清涼山妙德庵識

真

法苑珠林卷第七十六

唐上都西明寺沙門釋道世玄暉撰

咒術篇第六十八之三

感應緣

畧引
八驗

前周葛由

晉釋耆域

晉竺佛圖澄

晉竺法印

宋釋寶意

宋釋杯渡

宋釋玄暢

禪俗幻術

十二條

前周葛由蜀羌人也周成王時好刻木作羊賣之一日乘木羊入蜀中蜀中王侯貴人追之上綏山綏山在峩眉西南高無極也隨之者不復還皆得神道故里論曰得綏山一桃雖不能僊亦足以豪山下立祠

數十處

見搜神記

晉洛陽有釋耆域者天竺人也周流華戎靡有常所而倣儻神奇任性忽俗迹行不恒時人莫之能測自發天竺至于扶南經諸海濱爰涉交廣並有靈異

達襄陽欲寄載過江船人見胡沙門衣服弊陋輕而不載船達北岸域已度前行見兩虎虎弭耳掉尾域以手摩其頭虎下道而去兩岸見者隨從成羣以晉惠之末至于洛陽諸道人悉為作禮域踞宴然不動容色時或告人以前身所更謂支法淵從羊中來竺法興從人中來又譏諸眾僧衣服華麗不應素法見洛陽宮城云髣髴似忉利天宮但自然之與人事不同耳域謂沙門耆闍蜜曰匠此宮者從忉利天來成便還天上矣屋脊瓦下應有千五百作器時咸云昔聞此匠實以作器著瓦下又云宮成之後尋被害

焉。衡陽太守南陽滕永文在洛寄住滿水寺，得病經年，不差兩脚，攣屈不能起行。域往看之，曰：君欲得病瘥，不因取淨水一盃，楊柳一枝，便以楊枝拂水，舉手向永文而祝曰：此者三，因以手搦永文膝，令起，卽起行步如故。此寺中有思惟樹數十株，枯死。域問永文：樹死來幾時？永曰：積年矣。域卽向樹祝，如祝永文法。樹尋華發，扶踈榮茂。尚方署中有一人病將死，域以應器著病者腹上，白布通覆之，祝願數千言，卽有臭氣，燻徹一屋。病者云：我活矣。域令人舉布，應器中有若塗淤泥者，數升，臭不可近。病者遂活。洛陽近亂，辭

還天竺，洛中沙門竺法行者，高足僧也。時人令請域，曰：上人旣得道之僧也，願畱一言，以爲永誠。域曰：可。普會衆人也。衆旣集，域昇高座，說偈云：

護法生
多言自滅
丁丑年置

守口攝身，意慎莫犯。衆惡修行，一切善如是。得度世言，絕便禪默行。重請曰：願上人當授所未聞。如斯偈義，八歲童子亦已諳誦。非所望於道人也。域笑曰：八歲雖誦百歲不行，誦之何益？人皆致敬，得道者不知行之自得道。悲夫！吾言雖少，行者益多也。於是辭去。數百人各請域中食，域皆許。往明旦，五百舍皆有一域。始謂獨過來相酬，問方知分身降焉。旣發，諸道人

撰述
送至河南城域徐行追者不及域迺以杖畫地曰於斯別矣其日有從長安來見域在彼寺中又賈客胡濕登者卽於是日將暮逢域於流沙中計見已行九千餘里既還西國不知所終

晉鄴中有竺佛圖澄者西域人也本姓帛氏少出家清貞務學誦經數百萬言善解文義雖未讀此土儒史而與諸學士論辯疑滯皆暗若符契無能屈者自云再到罽賓受講名師西域咸稱得道者以晉懷帝永嘉四年來適洛陽志弘大法善誦神咒能役使鬼物以麻油襍臙脂塗掌千里外事皆徹見掌中如對

面焉亦能令潔齋者同見又聽鈴音以言事無不効驗迺潛伏草野以觀世變時石勒屯兵葛陂專以殺戮爲威沙門遇害甚衆澄憫念蒼生欲以道化勒於是杖策到軍門勒大將鄣黑略素奉法澄卽投止略家從受五戒崇弟子之禮勒召澄問曰佛道有何靈驗澄知勒不達深理正可以道術爲徵因而言曰至道雖遠亦可以近事爲證卽取應器盛水燒香祝之須臾生青蓮華光色矐目勒由此信伏澄因而諫曰夫王者德化洽於宇內則四靈表瑞政弊道消則彗孛現於上恒象著見休咎隨行斯迺古今之常徵天

人之明誠勒甚悅之凡應被誅殘蒙其益者十有八
九勒後因忿欲害諸道士并欲苦澄澄迺避至黑略
舍告弟子曰若將軍信至問吾所在者報云不知所
之信人尋至覓澄不得使還報勒勒驚曰吾有惡意
向聖人聖人捨我去矣通夜不寢思欲見澄澄知勒
意悔明日造勒勒曰昨夜何行澄曰公有怒心昨故
權避公今改意是以敢來勒大笑曰道人謬耳襄國
城塹水源在城西北五里團丸祠下其水暴竭勒問
澄曰何以致水澄曰今當勅龍勒字世龍謂澄嘲已
答曰正以龍不能致水故相問耳澄曰此誠言非戲

也水泉之源必有神龍居之今往勅語水必可得迺
與弟子法首等數人至泉源上其源故處久已乾燥
坼如車轍從者心疑恐水難得澄坐繩牀燒安息香
祝願數百言如此三日水忽然微流有一小龍長五
六寸許隨水來出諸道士竟往視之澄曰龍有毒氣
勿臨其上有頃水大至隍塹皆滿澄預記萌地難可
具述盡勒登位已後事澄彌篤時石葱將叛其年澄
誠勒曰今年葱中有蟲食必害人可令百姓無食葱
也勒頒告境內慎無食葱到八月石葱果走勒益加
尊重有事必諮而後行號大和尚石虎有子名斌後

爲勒兒愛之甚重忽暴病而亡已涉二日勒曰朕聞
號太子死扁鵲能生大和尚國之神人可急往告必
能致福澄迺取楊枝祝之須臾能起有頃平復由勒
諸稚子多在佛寺中養之每至四月八日勒躬自詣
寺灌佛爲兒發願至建平四年四月天靜無風而塔
上一鈴獨鳴澄謂衆曰鈴音云國有大喪不出今年
矣是歲七月勒死子弘襲位少時虎廢弘自立遷都
于鄴稱元建武傾心事澄有重於勒迺下書曰和尚
國之大寶榮爵不加高祿不受榮祿匪傾何以旌德
從此已往宜衣以綾錦乘以雕輦朝會之日和尚昇
殿常侍以下悉助舉輿太子諸公扶翼而上主者唱
大和尚至衆坐皆起以彰其尊又勅魏司空李農旦
夕親問太子諸公五日一朝表朕敬焉時澄止鄴城
內中寺遣弟子法常北至襄國弟子法佐從襄國還
相遇在梁基城下共宿對車夜談言及和尚比旦各
去法佐至始入覲澄澄逆笑曰昨夜與法常交車共
說汝師耶先民有言不曰敬乎幽而不改不曰慎乎
獨而不怠幽獨者敬慎之本爾不識乎佐愕然愧懺
於是國人每共相語曰莫起惡心和尚知汝及澄之
所在無敢向其面涕唾便利者時太子石邃有二子

在襄國澄語邃曰小阿彌比當得疾可往迎之邃卽馳信往視果已得病大醫殷騰及外國道士自言能治澄告弟子法牙曰正使聖人復出不愈此病況此等乎後三日果死後晉軍出淮泗壘北瓦城皆被侵逼三方告急人情危擾虎乃瞋曰吾之奉佛供僧而更致外寇佛無神矣澄明日早入虎以事問澄因諫虎曰王過去世經爲大商主至罽賓寺嘗供大會中有六十羅漢吾此微身亦預斯會時得道人謂吾曰此主人命盡當更雞身後王晉地今王爲主豈非福耶壇場軍寇國之常耳何爲怨謗三寶夜興毒念乎虎迺信悟跪而謝焉虎嘗問澄佛法不殺朕爲天下之主非刑殺無以肅清海內旣違戒殺生雖復事佛詎獲福耶澄曰帝王事佛當在體恭心順顯揚三寶不爲暴虐不害無辜至於兇愚無賴非化所遷有罪不得不殺有惡不得不刑但當殺可殺刑可刑耳若暴虐恣意殺害非法雖復傾財事法無解殃禍願陛下省欲興慈廣及一切佛教永隆福祚方遠虎雖不能盡從而爲益不少虎尚書張離張良家富事佛各起大塔澄謂曰事佛在於清淨無欲慈矜爲心檀越雖儀奉大法而貪恡未已遊獵無度積聚不窮方受

現世之罪何福報之可希耶離等後並被戮滅盡澄尚遣弟子向西城市香旣行澄告餘弟子曰掌中見買香弟子在某處被劫垂死因燒香祝願遙救護之弟子後還云某月某日某處爲賊所劫垂當見殺忽聞香氣賊無故自驚曰救兵已至棄之而走虎每欲伐燕澄諫曰燕國運未終卒難可剋虎屢行敗績方信澄誠又黃河中舊不生鼃忽得一以獻虎澄見而歎曰桓温其入河不久温字元子後果如言也澄嘗與虎共昇中堂澄忽驚曰變變幽州當火災仍取酒灑之久而笑曰救已得矣虎遣驗幽州云爾日火從四門起西南有黑雲來驟雨滅之雨亦頗有酒氣至虎建武十四年七月石宣石韜將圖相殺宣時到寺與澄同坐浮圖一鈴獨鳴澄謂宣曰解鈴音乎鈴云胡子落度宣變色曰是何言歟澄謬曰老胡爲道不能山居無言重茵美服豈非落度乎石韜後至澄熟視良久韜懼而問澄澄曰怪公血臭故相視耳至八月澄使弟子十人齋于別室澄時暫入東閣虎與后杜氏問訊澄澄曰脅下有賊不出十日自佛圖以西此殿以東當有流血慎勿東行也杜后曰和尚耄耶何處有賊澄卽易語云六情所受皆悉是賊老自應

毫但使少者不昏遂便寓言不復彰的後二日宣果遣人害韜於佛寺中欲因虎臨喪仍行大逆虎以澄先誠故獲免及宣事發被收澄諫虎曰既是陛下之子何乃重禍耶陛下若含怒加慈者尚有六十餘歲如必誅之宣當爲彗星下掃鄴宮也虎不從之以鐵鑊穿宣頷牽上新積而焚之收其宮屬三百餘人皆輾裂支解投之漳河澄迺勅弟子罷別室齋也後月餘日有一妖馬駿尾皆有燒狀入中陽門出顯陽門東首東宮皆不得入走向東北俄爾不見澄聞而歎曰災其及矣至十一月虎大饗羣臣於太武前殿澄吟曰殿殿乎棘子成林將壞人衣虎令發殿石下視之有棘生焉澄還寺視佛像曰悵恨不得莊嚴獨語曰得三年乎自答不得又曰得二年一年百日一月乎自答不得迺無復言還房謂弟子法祚曰戊申歲禍亂漸萌巳酉石氏當滅吾及其未亂先從化矣卽遣人與虎辭曰物理必遷身命非保貧道災幻之軀化期已及旣荷恩殊重故逆以仰聞虎愴然曰不聞和尚有疾迺忽爾告終卽自出宮詣寺而慰喻焉澄謂虎曰出生入死道之常也脩短分定非所能逃夫道重行全德貴無怠苟業操無虧雖亡若在違而獲

延非其所願今意未盡者以國家心存佛理奉法無
恡興起寺廟崇顯壯麗稱斯德也宜享休祉而布政
猛烈淫刑酷濫顯違聖典幽背法誠不自懲革終無
福祐若降心易慮惠此下民則國祚延長道俗慶賴
畢命就盡沒無遺恨虎悲慟嗚咽知其必逝卽爲鑿
壙營墳至十二月八日卒於鄴宮寺是歲晉穆帝永
和四年也士庶悲哀號赴傾國春秋一百一十七矣
仍定於臨漳西柴陌卽虎所創塚也俄而梁犢作亂
明年虎死冉閔篡位弒石種都盡閔小字棘奴澄先
所謂棘子成林者也澄左乳傍先有一孔圍四五寸
通徹腹內有時腸從中出或以絮塞孔夜欲讀書輒
拔絮則一室洞明又齋日輒至水邊引腸洗之還復
內中澄身長八尺風姿詳雅妙解深經傍通世論講
說之日正標宗政使始末文言昭然可了加復慈洽
蒼生拯救危苦當二石凶強虐害非道若不與澄同
日孰可言哉但百姓蒙益日用不知耳佛調菩提等
數十名僧皆出自天竺康居不遠數萬之路足涉流
沙詣澄受訓樊河釋道安中山竺法雅並跨越關河
聽澄講說皆妙達精理研測幽微澄自說生處去鄴
九萬餘里棄家入道一百九年酒不踰齒過中不食

非戒不履無欲無求受業追隨常有數百前後門徒
幾逾一萬所歷州郡興立佛寺八百九十三所弘法
之盛莫與先矣初虎殮澄以生時錫杖及鉢內棺中
後冉閔篡位開棺唯得鉢杖不復見屍或言澄死之
月有人見在流沙虎疑不死開棺不見屍後慕容儁
都鄴處石虎宮中每夢見虎嚙其臂意謂石虎爲祟
廼慕覓虎屍於東明館掘得之屍殭不毀儁踰之罵
曰死胡敢怖生天子汝作宮殿成而爲汝兒所圖況
復他耶鞭撻毀辱投之漳河屍倚橋柱不移秦將王
猛迺收而葬之麻襦所謂一柱殿也麻襦者卽是魏
縣流民莫識其族恒著麻襦布裳在市乞丐似狂而
是賢人言同澄公極爲交密初見虎共語了無異言
唯道陛下當終一柱殿下後符堅征鄴儁子暉爲堅
大將鄣神虎所執實先夢虎之驗也田融趙記云澄
未亾數年自營塚壙澄旣知塚必開又屍不在中何
容預作恐融之謬矣澄或言佛圖澄或言佛圖澄或
言佛圖澄皆取胡音之不同耳

晉沙門竺法印者晉太元中稱爲佳流甚見知遇安
北將軍太原王文度友而親之嘗共論說死生報應
茫昧難明爲當許其理耳未能審其實也因爲納誓

死而有知果見罪福者當相報告也印後居會稽經年而卒王在都弗之知也忽見印來王驚喜相慰勞問印云貧道以某時病死罪福不虛應若影響檀越宜勤修道德以昇濟神明既有前約故詣相報言訖忽不復見王自此後乃勤信向

宋京師中興寺有沙門阿那摩低宋言寶意本姓康康居人世居天竺以宋孝建中來止京師善曉經論亦號三藏常轉側數百貝子立知吉凶善能神咒以香塗掌亦見往事宋世祖施其一銅唾壺高二尺許常在牀前忽有人竊之意取笙席一領空卷祝上數通經于三夕唾壺還在席中莫測其然於是四遠道俗咸敬而異焉

宋京師有釋杯渡者不知俗姓名字是何常乘木杯渡水因而爲目初見在冀州不修細行神力卓越世莫能測其由來嘗於北方寄宿一家家有一金像渡竊而將去家主覺而追之見渡徐行走馬逐而不及至孟津河浮木杯於水憑之渡河無假風棹輕疾如飛俄而渡岸達于京師見時可年四十許帶索縵縷殆不蔽身言語出沒喜怒不均或嚴冰扣而洗浴或著屐上山或徒行入市唯荷一蘆圖子更無餘物乍

往延賢寺法意道人處意以別房待之後欲往瓜洲
步江於江側就航人告渡不肯載之復累足杯中顧
眄吟詠杯自然流直渡北岸向廣陵遇村舍有李家
設八關齋先不相識乃直入齋堂而坐置蘆圖於中
庭衆以其形陋無恭敬心李見蘆圖當道欲移置牆
邊數人舉不能動渡食竟提之而去笑曰四天王福
於李家于時有一豎子窺其圖中見四小兒並長數
寸面目端正衣裳鮮潔於是追覓不知所在後三日
乃見在西界蒙龍樹下坐李禮拜請還家一月日供
養渡不甚持齋飲酒噉肉至於辛鱸與俗不殊百姓
奉上或受不受沛國劉興伯爲兗州刺史遣使邀之
負圖而來興伯使人舉視十餘人不勝伯自看唯見
一敗納及一木杯後還李家復得二十餘日清旦忽
云欲得一袈裟中時令辦李卽經營至中未成渡云
暫出至宿不返乃合境聞有異香疑之乃怪處處覓
渡乃見在北巖下鋪敗袈裟於地臥之而死頭前脚
後皆生蓮華極鮮香一夕而萎邑共殯葬之後數
日有人從北來云見渡負蘆圖行向彭城乃共開棺
唯見鞞履既至彭城遇有白衣黃欣深信佛法見渡
禮拜請還家家至貧但有麥飯而已渡甘之怡然止

得半年忽語欣云可覓蘆圖三十六枚吾須用之答云此間止可有十枚貧無以買恐不盡辦渡曰汝但檢覓宅中應有欣卽窮檢果得三十六枚列之庭中雖有其數亦多破敗比欣次第熟視皆已新完渡密封之因語欣令開乃見錢帛皆滿可堪百萬許識者謂是杯渡分身他土所得嚫施迴以施欣欣受之皆爲功德經一年許渡辭去欣爲辦糧食明晨見糧食具存不知渡所在經一月許後至京師時潮溝有朱文姝者少奉法渡多來其家文姝謂渡云弟子脫捨身沒苦願見救濟脫在好處願爲法侶渡不答文姝喜曰佛法默然已爲許矣後東遊入吳郡路見釣魚師因就乞魚魚師施一菱者渡手杼反覆還投水中遊活而去又見網師更從乞魚網師瞋罵不與渡乃拾取兩石子擲水中俄而有兩水牛鬪其網中網旣碎敗不復見牛渡亦隱行至松江乃仰益於水中乘而渡岸經涉會稽剡縣登天台山數月而返京師時有外國道人名僧佉吒寄都下長干寺住有客僧僧悟者與吒同房宿於窻隙中見吒取寺刹捧之入雲然後將下悟不敢言但深加敬仰時有一人姓張名奴不知何許人不甚見食而常自肥悅冬夏常著單

布衣佉在路行見張奴欣然而笑佉曰吾東見
蔡純南訊馬生北遇王年今欲就杯渡乃與子相見
耶張奴乃題槐樹而歌曰濛濛大象內照曜實顯彰
何事迷昏子縱惑自招殃樂所少人往苦道若翻囊
不有松栢志何用擬風霜閑預紫煙表長歌出曼蒼
澄靈無色外應見有緣鄉歲曜毗漢后辰麗傳殷王
伊余非二仙晦迹之九方亦見流俗子觸眼致酸傷
略謠觀有念寧曰盡衿章佉曰前見先生禪思幽
岫一坐百齡大慈熏心靖念枯骨亦題頌曰悠悠世
士或滋損益使欲塵神橫生悅懌惟此哲人淵覺先
見思形浮沫矚影遄電累躋聲華蔑醜章弁視色悟
空翫物傷變捨紛絕有斷習除戀青條曲蔭白茅以
薦依畦啜麻隣崖飲泚慧定計昭妙真日眷慈悲有
增深想無勅言竟各去爾後月日不復見此二人傳
者云將僧悟共之南嶽不及張奴與杯渡相見甚有
所叙人所不解渡猶停都少時遊止無定請召或往
不往時南州有陳家頗有衣食渡往其家甚見料理
聞都下復有一杯渡陳父子五人咸不信故下都看
之果如其家杯渡形相一種陳爲設一合蜜薑及刀
子熏陸香手巾等渡卽食蜜薑都盡餘物宛然在膝

前其父子五人恐是其家杯渡卽留二弟停都寺視
餘三人還家家中杯渡如舊膝前亦有香刀子等但
不噉蜜薑爲異乃語陳云刀子鈍可爲磨之二弟都
還云彼渡已移靈鷲寺其家渡忽求黃紙兩幅作書
書不成字合同其背陳問上人作何券書渡不答竟
莫測其然遂絕迹矣都下杯渡猶去來山邑多行神
祝時庾常婢偷物而叛四追不擒乃問渡渡云已死
在金城江邊空塚中往看果如所言孔窳子時爲黃
門侍郎在廨患痢遣信請渡渡祝竟云難差見有四
鬼皆被傷截窳子泣曰昔孫恩作亂家爲軍人所破
二親及叔皆被痛酷窳子果死又有齊諧妻胡母氏
病衆治不愈後諧請僧設齋齋坐有僧聰道人勸迎
杯渡渡旣至一祝病者卽愈齊諧伏事爲師因爲作
傳記其從來神異大略與上同也至元嘉三年九月
辭諧入東畱一萬錢物寄諧請爲營齋於是別去行
至赤山湖患痢而死諧卽爲營齋并接屍還葬建鄴
之覆舟山至四年有吳興邵信者甚奉法遇傷寒病
無人敢看乃悲泣念觀音忽見一僧來云是杯渡弟
子語云莫憂衆師尋來相看答云渡練已死何容得
來道人云來復何難便衣帶頭出一合許散與服之

撰述
病卽差又有杜僧哀者住在南岡下昔經伏事杯渡
兒病甚篤乃思念恨不得渡練神咒明日忽見渡來
言語如常卽爲祝病者便愈至五年三月八日渡復
來齊諧家呂道慧聞人怛之祝天期水丘熙等並見
皆大驚卽起禮拜渡語衆人言年當大凶可勤修福
業法意道人其有德可往就其修立故寺以攘災禍
也須臾門上有一僧喚渡渡便辭去云貧道當向交
廣之間不復來也齊諧等拜送殷勤於是絕迹傾世
亦言時有見者旣未的其事故無可傳也

宋蜀齊后山有釋玄暢姓趙河西金城人少時家門
爲胡虜所滅禍將及暢虜師見暢而止之曰此兒目
光外射非凡童也遂獲免仍往涼州出家其後虜虐
剪滅佛法害諸沙門唯暢得走以元嘉二十二年閏
五月十七日發自平城路遊代郡上谷東跨太行經
歷幽冀南轉將至孟津唯手把一束楊枝一把葱葉
虜騎追逐將及欲及之乃以楊枝擊沙沙起天暗人
馬不能得前有頃沙息騎已復至於是投身河中唯
以葱葉內鼻孔中通氣度水以八月一日達于揚州
洞曉經律深入禪要占記吉凶靡不誠驗宋文帝深
加歎重請爲太子師後遷憩荊州止長沙寺舒手出

香掌中流水莫之測也迄宋之季年乃飛舟遠舉西
適成都初止大石寺乃手畫作金剛密跡等十六神
像至昇明三年又遊西界觀瞻岷嶺乃於岷山郡北
部廣陽縣界見齊后山遂有終焉之志乃倚巖傍谷
結草爲庵弟子法期見有神人乘馬著青單衣遶山
一帀還示造塔之處以齊建元元年四月二十三日
建刹立寺名曰齊興正是齊太祖受錫命之辰天時
人事萬里懸合時傳琰西鎮成都欽暢風軌待以師
敬暢立寺之後乃致書於琰曰貧道栖荆累稔年衰
疥積馱毒人誼所以遠託岷界卜居斯阜在廣陽之
東去城千步逶迤長亘連壘壘嶺嶺開四澗亘列五
峰抱鄣懷邑迴望三方負巒背岳遠矚九流以去年
四月二十三日創功覆篲前冬至此訪承爾日正是
陛下龍飛之辰蓋聞道配太極者嘉瑞自顯德同二
儀者神應必彰所以河洛眊有周之地靈石表大晉
之徵伏謂茲山之符驗豈非齊帝之靈應耶檀越奉
國情深至使運屬時徵不能忘心豈能遺事輒疏山
贊一篇以露愚抱贊曰峨峨齊山誕自幽冥潛瑞幾
昔帝號乃明岑戴聖宇地祚休名巒根雲坦峰岳霞
平規巖擬刹度嶺締經創工之日龍飛紫庭道侔二

儀四海均情終天之祚岳德表靈琰卽具以表聞勅
蠲百戶以充俸給後至齊武昇位司徒文宣王勅令
汎舟東下中途動疾帶患至京傾衆阻望止住靈根
少時而卒春秋六十有九

右六驗出
梁高僧傳

晉趙侯少好諸術姿形頓陋長不滿數尺以盆盛水
閉目作禁魚龍立見侯有白米爲鼠所盜仍被頭把
刀畫地作獄四面門向東嘯羣鼠俱到咒之曰凡非
噉者過去止者十餘剖腹看藏有米在焉曾徒跣須
屐因仰頭微吟雙屐自至人有笑其形容者便陽設
以酒盃向口卽掩鼻不脫仍啓顙謝過著地不舉永

康有騎石山山上有石人騎石馬侯以印指之人馬

一時落首今猶在山下

右此一驗
出異苑

枹朴子曰昔吳遣賀將軍討山賊賊中有善禁者每
當交戰官軍刀劍皆不得拔弓弩射矢皆還自向輒
致不利賀將軍長情有思乃曰吾聞金有刃者可禁
蟲有毒者可禁其無刃毒則不可禁彼必是能禁吾
兵者也必不能禁無刃物矣乃多作勁木棒選勇力
精卒五千人爲先登盡捉棒彼山賊恃其有善禁者
了不嚴備於是官軍以白棒擊之彼禁不復行打殺
者乃有萬計

范曄後漢書曰永寧元年西南夷禪國王詣闕獻樂及幻人能變化吐火自支解易牛馬頭明年元會在庭作安帝與羣臣共觀大奇之

後魏書曰悅殷國貞君九年遣使朝獻并送幻人稱能割人喉脉令斷擊人頭令骨陷皆血出淋漓或數升或盈升以草藥內其口中令嚼咽之須臾血止世祖言是虛乃取死囚試之皆驗又能霖雨黑風大雪及行潦水之池

崔鴻國春秋北涼錄曰玄始十四年七月西域貢吞刀嚼火祕幻奇伎西京雜記曰麴道龍善爲化術說

東海人黃公少時能制虵禦虎立興雲霧坐成山河晉永嘉中有天竺人來渡江南其人有數術能斷舌續筋吐火所在人士聚共觀試其將斷舌先吐以示賓客然後刀截血流覆地乃取置器中傳以示人視之舌頭半舌猶在旣而還取合續之有頃坐以見人舌則如故不知其實斷不也其續斷取絹布與人各執一頭對剪一斷之已而取兩段合將祝之則復還連絹無異故一體也時人多疑以爲幻乃陰試之乃其所續故絹也其吐火先有藥在器中取一片與黍餈合之再三吹呼已而張口火滿口中因就爇取以

爨則火出也又取書紙及繩縷之屬投火中衆共視之見其燒然消糜了盡乃披灰中舉而出之故向物也

靈鬼志曰太元十二年道人外國來能吞刀吐火吐珠玉金銀自說其所受術卽白衣非沙門也行見一人檐檐上有小籠子可受升餘語檐人云吾步行疲極寄君檐檐人甚怪之慮是狂人便語云自可爾耳君欲何許自厝耶其答云若見許政欲入籠子中檐人逾怪下檐入籠中籠不更大其亦不更小檐之亦不覺重於先旣行數十里樹下住食檐人呼共食云我自食不肯出止住籠中出飲食器物羅列餽餽豐腆亦辦反呼檐人食未半語檐人我欲與婦共食卽復口出一女子年二十許衣裳容貌甚美二人便共食食欲竟其夫便卧婦語檐人我有外夫欲來共食夫覺君勿道之婦便口中出一年少丈夫共食籠中便有三人寬急之事亦復不異有頃其夫動如欲覺其婦以外夫起語檐人曰可去卽以婦內口中次及食器物此人旣至國中有一家大富貨財巨萬而性慳恡語檐人吾試爲君破奴慳卽至其家有好馬甚珍之繫在柱下忽失去尋索不知處明日見馬在

撰述
五升甕中終不可破便語言君作百人廚以周窮乏
馬得出耳主人卽狼狽作之畢馬還在柱下明日其
父母老在堂上忽復不見舉家惶怖不知所在開粧
器忽見父母澤壺中不知何由得出復往守請之其
云當更作千人餘食飴百窮者乃當得出旣作其父
母自在牀上

幽明錄曰安開安城之俗巫也善於幻術每至祠神
時擊鼓宰三牲積薪然火盛熾束帶入火中章紙燒
盡而開形體衣服猶如初時王疑之爲江州伺王當
行陽爲王刷頭簪荷葉以爲帽之有異到坐之後荷
葉乃見舉坐驚駭

異苑曰高陽新城叟民晉咸寧中爲淫祠妖幻署置
百官又以水自鑿輒見所置署之人衣冠麗然百姓
信惑京都翕習收而斬之

異苑曰上虞孫溪奴多諸幻伎元嘉初叛入建安治
中後出民間破宿瘦辟遙徹腹內而令不痛治人風
頭流血滂沲噓之便斷劊又卽劍虎傷虵噬煩毒垂
死禁護皆差向空長嘯則羣雀來萃夜咒蚊蚋悉死
於側至十三年於長山爲本主所得知有禁術慮必
亡叛的縛枷鎖極爲重複少日已失所在

列子曰周穆王時西極國有化人來化幻人也入水火貫金石反山川移城邑乘虛不墜觸實不礙千變萬化不可窮極已變物之形又且易人之慮能使人暫忘其宿所知識穆王敬之若神

桓譚新論曰方士董仲君犯事繫獄陽死目陷虫爛故知幻術靡所不有又能鼻吹口歌吐舌齧聳眉動目荊州有鼻飲之蠻南域有頭飛之夷非為幻也孔煒七引曰弄幻之士因時而作植苾種菜立起尋尺投芳送臭賣黃售白麾天興雲霧畫地成河洛法苑珠林卷第七十六

校譌

第五紙五行竟北 第十一紙十三行嚮 第十五紙疑當作響
十行熏宋藏作竟 第十六紙十一行岡六
南藏作薰 南藏作崗

音釋

弭綿婢切 距踞距胡故切 髮髻髮妃兩切 鬻呂員切 搨女角切 燠許云切 涇語斬切 淤依據切

也 鬪賓梵語也此云賤 臙脂臙於乾切 灑七豔切 也 嘲陟交切 坼丑厄切 頰布寰切 斌界巾切 號吉獲切

也 襲似入切 雕輦都聊切 輦車輦也 鄴魚怯切 也 名 雖 遂 壘力踵切 壇場壇居良切 邊境也 彗徐醉切

也 遂 壘 壇場 彗

領 胡感切 口 積 子智切 輓 胡慣切 棘 紀力切 墻 苦

也 切窳 篡 初患切 殮 力驗切 儁 子峻切 崇 雖遂切 殭 居

朽也 切屍不 襦 汝朱切 暉 于鬼切 磴 都鄧切 橙 除庚切 縑 縷魯

其切 縷力主切 縑 縷與縑 蘆 蘆落胡切 圖 與圖市 龍

盧紅切 蒙 鱠 古外切 細 華許遮切 覲 初覲切 杼 丈呂切 挹

也 龍蔽覆貌 剡 時琰切 佞 佞丘迦切 狷 徒渾切 衿 居吟切 懌 益

也 切悅 矚 之欲切 遄 市緣切 躋 陟利切 游 才旬切 勅 達

也 切懈 券 去願切 跨 苦化切 憩 去例切 琰 以丹切 疥 丑

也 切病 透 透於為切 迤 邪去貌 簪 求位切 眊 兵永切

也 締都計切 頽 秦醉切 跣 息淺切 頽 蘇朗切 擘

域輒 徒當切 餽 餽黍膏也 夔 如劣切 爨 七亂切 厝 倉故

也 著 飴 翼之切 刷 所滑切 齧 五加切 齧 齧 煒 于鬼切 苾

正作瓜 姑華切

貴州提學副使嘉興包煙芳施贊刻此

法苑珠林第七十六卷 吳江比丘明覺對 江

浦賈國政書 上元梁城玉刻

萬曆辛卯秋清涼山妙德庵識

國

